

## **COVID-19 : ENAM KEMATIAN BAHARU, EMPAT DARIPADANYA LIBATKAN TIGA KLUSTER AKTIF**

**KUANTAN, 18 JULAI 2021** : Terdapat enam kematian baharu akibat COVID-19 dilaporkan hari ini dengan empat daripadanya berkaitan dengan tiga kluster aktif.

Pengarah Kesihatan Jabatan Kesihatan Negeri Pahang (JKNP), Dato' Dr. Haji Bahari Dato' Tok Muda Che Haji Awang Ngah dalam satu kenyataan media berkata ini menjadikan jumlah kumulatif kematian di Pahang meningkat kepada 207 kes.

“Kes ke-202 merupakan seorang lelaki berumur 38 tahun dari Bandar Lipis. Kes mempunyai kaitan dengan Kluster Sungai Jelai. Kes ke-203 merupakan seorang lelaki berumur 59 tahun dari RTP Bukit Goh, Kuantan. Kes mempunyai kaitan dengan Kluster Pasar Kemunting.

“Kes ke-204 merupakan seorang lelaki berumur 56 tahun dari Jalan Benta, Kg baru, Jerantut. Kes ke-205 merupakan seorang perempuan berumur 40 tahun dari Taman Saujana, Lepar Hilir 4, Kuantan. Kes mempunyai kaitan dengan Kluster Jalan Tanah Putih.

“Kes ke-206 merupakan seorang perempuan berumur 61 tahun dari Kg. Sama, Benta, Lipis. Kes mempunyai kaitan dengan Kluster Sungai Jelai. Manakala kes ke-207 merupakan seorang perempuan berumur 55 tahun dari Felda Lepar Hilir 4, Kuantan,” katanya.

Beliau berkata sehingga 12 tengah hari, sebanyak 2,369 kes positif COVID-19 sedang dirawat di lapan hospital dan tujuh Pusat Kuarantin & Rawatan COVID-19 (PKRC) di negeri ini manakala 543 kes berada dalam pengawasan di rumah oleh pasukan CAC.

“Berdasarkan jumlah ini, terdapat 27 kes positif COVID-19 yang sedang dirawat di Unit Rawatan Rapi (ICU) iaitu 18 kes di ICU Hospital Tengku Ampuan Afzan Kuantan (HTAA) dan sembilan kes di ICU Hospital Sultan Haji Ahmad Shah Temerloh (HoSHAS) dengan 20 kes memerlukan bantuan mesin pernafasan,” katanya.

Menurut beliau, berdasarkan jumlah kes baharu yang didaftarkan pada hari ini, sebanyak 305 kes merupakan warganegara Malaysia manakala 64 kes merupakan warganegara asing.

“Sebanyak 266 kes dikategorikan sebagai jangkitan tempatan, 10 kes import (5 dari Selangor, 1 dari Kuala Lumpur, 4 dari Terengganu).

“Terdapat 72 kes diperolehi daripada saringan kluster, 186 saringan kontak rapat, 16 saringan bergejala, 93 saringan bersasar (OKT), satu (1) saringan pra pekerjaan dan satu (1) saringan pekerjaan,” katanya.

Beliau turut memaklumkan bahawa kesemua 11 daerah di negeri ini mencatatkan pertambahan kes dengan kes tertinggi dicatatkan di Kuantan.

“Kes tertinggi dicatatkan di daerah Kuantan (179 kes), diikuti Bentong (109 kes), Jerantut (31 kes), Temerloh (14 kes), Lipis (10 kes), Maran (6 kes), Cameron Highlands (6 kes), Bera (5 kes), Raub (4 kes), Pekan (3 kes) dan Rompin (2 kes),” katanya.

Sebanyak 369 kes baharu telah dilaporkan menjadikan jumlah keseluruhan kes disahkan positif COVID-19 di Negeri Pahang telah mencecah ke angka 18,473 kes. -

**PAHANGMEDIA**

**Disediakan oleh Unit Komunikasi dan Media Pahang (UKOMP)**

**#MajuTerusPahang**  
**#Pahang1st**  
**#KerajaanNegeriPahang**  
**#PahangGo**

Oleh : Ain Nadhirah Basha

(LIPUTAN BERGAMBAR)

# STATUS TERKINI COVID-19 DI PAHANG

Dikemaskini sehingga:  
18 Julai 2021, 12.00  
tengah hari



KEMENTERIAN KESIHATAN MALAYSIA  
JABATAN KESIHATAN NEGERI PAHANG



Daftar aplikasi MySejahtera



Jaga jarak fizikal sekurang-kurangnya 1 meter



Pakai pelitup muka di tempat awam



Kerap basuh tangan dengan air dan sabun atau guna hand sanitizer

1

Sumber : Crisis Preparedness & Response Centre (CPRC), Jabatan Kesihatan Negeri Pahang

# STATUS TERKINI COVID-19 DI PAHANG



Dikemaskini sehingga: 18 Julai 2021, 12.00 tengah hari



## RINGKASAN BUTIRAN KEMATIAN

BIL KES	JANTINA	UMUR	LOKASI	DAERAH	CATATAN
202	Lelaki	38	Bandar Lipis	Lipis	Kluster Sungai Jelai.
203	Lelaki	59	RTP Bukit Goh	Kuantan	Kluster Pasar Kemuning.
204	Lelaki	56	Jalan Benta, Kg Baru	Jerantut	Saringan Bergejala.
205	Perempuan	40	Taman Saujana, Lepar Hilir 4	Kuantan	Kluster Jalan Tanah Putih.
206	Lelaki	61	Kg Sama, Benta	Lipis	Kluster Sungai Jelai.
207	Perempuan	55	Felda Lepar Hilir 4	Kuantan	Saringan Kontak Rapat.



Sumber : *Crisis Preparedness & Response Centre (CPRC)*, Jabatan Kesihatan Negeri Pahang